

## الأسفار الشعرية

## مزامير - الجزء الرابع (مزموور 73 ل 89)

صلاة .. وقت الفرح و الألم و الحزن و التوبة و التسبيح

سفر المزامير يحكي الكتاب المقدس كله بطريقة شعرية .. السفر ده بيعلمنا أهمية الصلاة و قوة التسبحة

## ليه ندرس عهد قديم؟


"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

[i عن السفر](#)





نقدر نقرا المقدمة



المزامير متقسمة تقريباً 4 أجزاء كبار, كل جزء منها ينتهي بجملة واحدة (مبارك الرب إله إسرائيل, من الأزل وإلى الأبد. آمين فآمين).. والجزء الأخير ينتهي ب 5 مزامير كلها تسبيح.. و المزمور الأخير لوحده

مزمور #73

## إنما صالح الله لإسرائيل, لأنقياء القلب

لا تغر من الأشرار بل انظر إلى نهايتهم



مزمور #74

## لماذا رفضتنا يا الله إلى الأبد؟

مرارة بسبب الاضطهاد و رجاء في استجابة الله



مزمور #75

## نحمدك, يا الله نحمدك, واسمك قريب

الله ضابط الكل و قضائه عادل



مزمور #76

## الله معروف في يهوذا

تسبحة شكر بعد دفع الأعداء



مزمور #77

## صوتي إلى الله فأصرخ

تذكر أعمال الله السابقة كل ما تحس إنه تركك



مزمور #78

## اصغ يا شعبي إلى شريعتي

أعمال الله مع شعب إسرائيل



مزمور #79

## اللهم, إن الأمم قد دخلوا ميراثك

طلب رحمة ربنا في السبي



مزمور #80

**يا راعي إسرائيل، اصغ**

توبنا و أرجعنا فنخلص



مزمور #81

**رَنَمُوا لِلَّهِ قَوْتَنَا**

ذكريات الله مع شعبه، و تحذير لهم



مزمور #82

**اللَّهُ قَائِمٌ فِي مَجْمَعِ اللَّهِ**

دينونة القضاة الظالمين



مزمور #83

**اللهم، لا تصمت. لا تسكت**

يا رب لا تصمت ضد مؤامرات الأعداء على شعبك



مزمور #84

**ما أحلى مساكنك يا رب الجنود**

مساكنك محبوبة يا رب



مزمور #85

**رضيت يا رب على أرضك**

خلاص الله لشعبه و رحمته عليهم



مزمور #86

**أمل يا رب أذنك. استجب لي**

يا رب اسمع صلاتي و ارحمني



مزمور #87

**أساسه في الجبال المقدسة**

طول ربنا في كنيسته



مزمور #88

**يارب إله خلاصي، بالنهار والليل صرختُ أمامك**

آلام شخص فُجِرَّ ب



مزمور #89

## بمراحم الرب أغني



تسبيح و استحزار لرحمة ربنا

ملخص السفر

## # 1: إنما صالح الله لإسرائيل، لأنقياء القلب

مزمور #73

كاتب المزمور:

آساف رئيس المرثلين (خورس الشمامسة) أيام داود النبي

المواضيع الرئيسية في المزمور:

- أنا غرت من الأشرار اللي عايشين في خير و رضاء و سعادة ظاهرية من غير مشاكل ... و كمان متكبرين و كل هقهم على شهوات هذا العالم .. و بيتكبروا على الناس بل حتى على ربنا
- و على العكس يا رب: شعبك غلابة و عايشين عيشة صعبة .. ليه يا رب الظلم ده؟
- أنا فكرت: ده أنا كده عايش في وصايا ربنا باطلاً و أحسن لي أعيش زي الناس دي .. و الأفكار دي كانت هتغيرني و تُعثر ناس كثير
- لحد ما دخلت بيتك يا رب و سكبت الأفكار دي أمامك عشان أعرف إجابتك .. ساعتها لما دخلت الهيكل عرفت الإجابة: انتبه إلى آخرتهم .. و فهمت إن الحياة دي كلها قصيرة و زي الحطم اللي بيخلص فجأة .. ماينفعش نضع كل رجاؤنا فيها
- ساعتها ثبت و قلت له: يا رب أنا زي البهيم اللي عندك بس خليني معاك و إمسك يدي و قُدني إليك و إلى المجد الأبدي .. مش عايز حاجة على الأرض

استخدامه في طقس الكنيسة:

(أمسكت بيدي اليمنى. برأيك تهديني، وبعد إلى مجد تأخذني. أما أنا فالاقتراب إلى الله حسن لي. جعلت بالسيد الرب ملجأى، لأخبر بكل صنائعك) يُستخدَم في مزامير القداس

وأنا بليد ولا أعرف . صرت كبهيم عندك. ولكني دائماً معك. أمسكت بيدي اليمنى.  
برأيك تهديني، وبعد إلى مجد تأخذني

مزامير 73 : 22 ل 24

ما أجمل إن الواحد يطيع ربنا و يسلم له أموره و عقله و قلبه كده

## نتعلم إيه؟

كثير نسال: يا رب فين العدل؟ الأشرار عايشين في خير وولادك عايشين في ضيق! الإجابة إننا  
نبص على السماء و على نهاية القصة .. ساعتها نفهم

🙏 يارب خلي عيني دائماً عليك و على السماء .. أطلب سلامك و وجودك في حياتي .. أنتظر  
الأبدية السعيدة

## # 2: لماذا رفضتنا يا الله إلى الأبد؟

مزموّر #74

### ✍ كاتب المزمور:

آساف بروح النبوة (أو واحد من أحفاده حضر السبي)

### 💡 مناسبة الكتابة:

لما نبوخذنصر ملك بابل دخل الهيكل و نجسه و دمر أورشليم .. موقف صعب جداً لكن الشعب  
كان وصل لمرحلة من الخطية و عدم التوبة استلزمت قضاء ربنا بالسبي

### ✉ المواضيع الرئيسية في المزمور:

- ليه يا رب رفضتنا للأبد كده؟ ده إحنا غنمك و شعبك .. المكان اللي فيه بيتك ومسكنك
- لكن يا رب العدو دمر هيكلك و عيرك بكبرياء و أهانوا شعبك و ذلّوهم

- يا رب تدخّل و أفنّ الأعداء .. زي ما عملت وأخرجتنا زمان من مصر و عُلتنا في البرية و ملّكتنا أرض الموعد و سكنت بيننا .. كنت دائماً بتحمي و تخلّص شعبك بقدرتك العظيمة
- يا رب افتكر عهدك معنا .. أنت حنّين و إحنا اللي نقضنا العهد, لكن أنت أمين يا رب .. أنا واثق في استجابتك و خلاصك يا رب من أعدائنا وأعدائك الشياطين .. لا تخزنا يا رب

## حتى متى يا الله يعيّر المقاوم؟ و يهين العدو اسمك إلى الغاية

مزامير 74 : 10

لما الواحد يشوف اضطهادات لاسم ربنا أو كنيسته ده بيكون أمر مزعج جداً .. لكن ربنا له حكمة (سواء تأديب لنا على خطايانا أو تزكية لنا على إيماننا)

## نتعلّم إيه؟

ربنا بيطلع من الضيقة شهداء و قديسين و ناس عظماء ينوّروا لنا في التاريخ .. و بحكمته أخيراً بيمدّ يده و يستجيب لصلوات الكنيسة والقديسين

🙏 آمين يا رب حافظ على كنيستك و فرّق أعدائها و حصّنها .. بيت لكل ولادك دائماً مفتوح يهديهم للخلاص

# 3: نحمدك, يا الله نحمدك, واسمك قريب

مزمور #75

✍ كاتب المزمور:

آساف

✉ المواضيع الرئيسية في المزمور:

- يا رب شعبك بيسبّحك .. فرحان بك و بقضائك

- أنت يا رب حُكْمك عادل و مستقيم .. و في وقته الصح .. و بميزان دقيق جداً
- أحكامك يا رب ضد الأشرار و المتكبرين .. تعطيهم كأس غضبك .. أما أولادك فتعطيهم كأس خلاصك
- أحكامك يا رب نافذة .. أنت ضابط الكل

## لأنني أعين ميعاداً. أنا بالمستقيمات أقضي

مزامير 75 : 2

ربنا في الوقت الصح يحكم بالحق و العدل

## نتعلم إيه؟

المزمور ده كأنه بيردّ على المزمور اللي فات .. ربنا في الوقت الصح بيحكم بالعدل  
 🙏 يا رب خليني واثق دايماً إن إلهي ضابط الكل .. أنتظرك و أنا متأكد إنك هتعلن عدلك و تقضي بالعدل

## # 4: الله معروف في يهوذا

مزمور #76

كاتب المزمور: ✍

آساف

## المواضيع الرئيسية في المزمور: ✉

- ربنا يحافظ على أولاده .. يكسر أعدائهم و يحارب عنهم
- أنت يا رب أقوى و أعظم من أي أعداء جايين يحاربونا .. تنتهر أعدائنا فتهزيمهم

- لَمَّا تَقْضِي بِحَقِّ أَوْلَادِكَ الْوَدْعَاءَ يَا رَبِّ، خَلَّاصَ مَا حَدَّثَ يَقْدِرُ يَقَاوِمُ حَكْمَكَ
- لَمَّا تَلَقَّوْا الشَّرَّ جِي عَلَيْكُمْ، انْدِرُوا بِثِقَّةٍ كَامِلَةٍ إِنَّ رَبَّنَا هَا خَلَّصَ وِلَادَهُ

## أنت مهوب أنت. فمن يقف قدامك حال غضبك

مزامير 76 : 7

مخيف هو غضب الله و مخوف جداً .. لكن غضبه ده على أعدائه وأعداء ولاده

## نتعلم إيه؟

ربنا دايماً بيحامي عن كنيسته و شعبه .. و يصدّ الأعداء عنهم وينصرهم

🙏 مبارك أنت أيها الرب اللي أبداً لا تتخلى عن أولادك

## # 5: صوتي إلى الله فأصرخ

مزمور #77

✍ كاتب المزمور:

آساف

## ✉ المواضيع الرئيسية في المزمور:

- أنا أصرخ إلى الله و أرفع يديّ لأنني متحيّر و حزبن جداً .. في ضيقة لكن مش شايف يد ربنا معايا .. مش هاتعزّي غير لو حسيت بوجود ربنا معايا
- هل يا رب رفضتنا؟ هل رحمتك لنا انتهت خلاص؟ هل ربنا غير كلامه معنا؟
- أنا قررت أفكر أعمال ربنا معايا .. ربنا إلهنا العظيم اللي خرّجنا من أرض مصر و أتى بنا إلى هذه الأرض بعجائب و عظام و سَكَنَ بَيْنَنَا

○ الفكر ده رِيحني و طقني .. ربنا مش ممكن يتخلى عني أبداً

## في يوم ضيقي التمسثُ الرب. يدي في الليل انبسطت ولم تخدر. أبت نفسي التعزية

مزامير 77 : 2

ده التصرف الصح وقت الضيقة .. صلاة حارة من القلب لربنا لحد ما يستجيب و يعزّي

## نتعلم إيه؟

لقا نحس إن ربنا بعيد أو إنه تخلى عننا .. إحساس مزعج جداً حله في المزمور ده: الصلاة الحارة .. و تذكر أعمال الله و مراحمه معانا على طول. لقنا نعمل كده نطمئن إن ربنا مش ممكن يسيبنا أبداً

🙏 يا رب خليني أفكر الذكريات الروحية الجميلة (أوقات التعزية) .. ده اللي يثبتني فيك وقت الضيقات

## # 6: اصغ يا شعبي إلى شريعتي

مزمور #78

✍ كاتب المزمور:

آساف

## ✉ المواضيع الرئيسية في المزمور:

- يا شعبي .. اسمعوا شريعة ربنا واعملوا بها و سلّموها لأولادكم .. احكوا لأولادكم على أعمال ربنا العظيمة معانا عشان هما كمان يتكلوا عليه
- ده أخرجنا من أرض مصر بذراع عالية بعد ضربات شديدة للمصريين .. و قادنا في البرية من خلال عمود سحاب وعمود نار و ماء من الصخرة و قنّ .. و أعطانا الشريعة والوصايا .. و أدخلنا أرض

الميعاد بعدما طرد الشعوب من أمامنا

- كل ده رغم زوغان قلب آبائنا و ارتدادهم المستمر عن ربنا و تذمرهم في البرية
- ده كمان في أرض الموعد في فترة القضاة بعد يشوع، ارتدّ شعبنا و عَبد الأوثان .. فسَلّمْتهم لأعدائهم .. لكن بقيت رحيم عليهم و لَمّا صرخوا إليك أرسلت لهم قضاة يخلصوهم (رغم إنك عارف إن توبتْهم مش كاملة بل نتيجة للضيقة)
- بعد كده ملّكت عليهم ملك حسب قلبك: داود .. و سكنت في خيمة الاجتماع وسط شعبك

### استخدامه في طقس الكنيسة:

(فاستيقظ الرب كنائهم، كجبار معيط من الخمر) دي في لحن (يا كل الصفوف السمايين) عن قيامة ربنا

**لكي يَعْلَمَ الجيل الآخِر. بنون يولدون فيقومون ويخبرون أبناءهم، فيجعلون على الله اعتمادهم، ولا ينسون أعمال الله، بل يحفظون وصاياه**

مزامير 78 : 5 و 6

ما أجمل التسليم ده من كل أب و أم لأبنائهم .. كما كان هكذا يكون .. جيل يتقي الله يطّلع جيل يتقي الله

### نتعلّم إيه؟

لازم كل جيل يفضل فاكر أعمال ربنا معاه .. و يسلم للجيل اللي بعده أعمال ربنا معاه و مع آبائه .. عشان كل جيل يطّلع مبني على إيمان و خبرة الجيل اللي قبله

يا رب أشكرك على التسليم اللي في كنيستنا وتاريخها الغني .. خليني أنا كمان في حياتي يا رب أفكر دائماً أعمالك معايا و مع آبائي .. و أسلمها للجيل اللي بعدي كمان

# 7: اللهم، إن الأمم قد دخلوا ميراثك

**✍ كاتب المزمور:**

زي مزمو 74: آساف بروح النبوة (أو واحد من أحفاده حضر السبي)

**✉ المواضيع الرئيسية في المزمور:**

- يا رب أنت شايف إزاي الأمم نجّسوا هيكلك و خربوا مدينتك و قتلوا وِلاذك و شمّتوا الشعوب اللي حوالينا فينا
- يا رب أعنّا و ارحمنا و اغفر لنا خطايانا من أجل مجد اسمك القدوس الذي دُعي علينا
- يا رب أظهر مجدك و عظمتك عشان الشعوب دي تعرف إنك إلهنا القوي
- إحنا شعبك اللي دايماً يسبّح اسمك .. لأنك عادل و إحنا خطاة

**🏰 استخدامه في طقس الكنيسة:**

(لنتقدّمنا مراحمك سريعاً، لأننا قد تذلّنا جداً. أعنّا يا إله خلاصنا من أجل مجد اسمك، ونجنا واغفر خطايانا من أجل اسمك) هي القطعة #3 في صلاة الساعة السادسة في الأجبية

**لنتقدّمنا مراحمك سريعاً، لأننا قد تذلّنا جداً. أعنّا يا إله خلاصنا من أجل مجد اسمك،  
ونجنا واغفر خطايانا من أجل اسمك**

مزامير 79 : 8 و 9

طالبة جميلة جداً إن ربنا ينقذنا من الشياطين و يرحمنا .. لأننا شعبه وأولاده

**نتعلّم إيه؟**

زي ما عرفنا، في سفر المزامير السبي = أسر الخطية .. و العدو = الشيطان .. واحنا لقا نقرا المزمور ده، هو صلاة لنا إن ربنا يرحمنا من عبودية و أسر الخطية

🙏 يا رب خلّي دي أهم طالبة لنا في حياتنا: نطلب ملكوت الله .. نطلب عفران خطايانا

## # 8: يا راعي إسرائيل، اصغ

مزمور #80

## ✍ كاتب المزمور:

آساف بروح النبوة (أو واحد من أحفاده حضر السبي)

## ✉ المواضيع الرئيسية في المزمور:

- أيها الراعي الصالح قُد رعيّتك .. أشْرِق علينا بوجهك يا رب و تَوّبنا فنتوب و نخُص و نعود إلى طريقك
- يا رب لحد امتي تغضب علينا و تصدّ صلواتنا؟ لحد امتي نبكي بسبب انتصار أعدائنا علينا و ظلمهم لنا؟
- شعبك يا رب زي الكرمة اللي نقلتها من مصر و تعهدتها لحد ما أثمرت و ملأت فروعها الأرض كلها
- تعهد كرفتك يارب اللي أصبحت فُهانة و متداس عليها من الأعداء

## 🏠 استخدامه في طقس الكنيسة:

- آية 1 ل 3: في الهوس الكيهكي .. لأن تعبير (أشرق) هو أحد تعبيرات التجسد
- آية 14 و 15 هم لحن أيها الرب إله القوات

## 🎵 ترانيم على المزمور:

آية 14 و 15: ترنيمَة عُد يا إلهي و اطلع و انظر من السماء

يا رب إله الجنود، أرجعنا. أتر بوجهك فنخلص

مزامير 80 : 19

يا رب تَوّبني فأتوب .. نُور لي الطريق بوجهك يا رب

نتعلم إيه؟

ربنا مش ممكن يغضب على شعبه أو يسمح بتجربة صعبة عليهم إلى الأبد .. في الوقت المناسب يتدخل بيمينه و يخلص أولاده

يا رب أرجعنا و أشرق لنا .. هلمّ لخلاصنا .. أئر علينا بوجهك فنخلص

## # 9: رنّموا لله قوّتنا

مزمور #81

كاتب المزمور: 

آساف

### المواضيع الرئيسية في المزمور:

- سبّحوا ربنا كما يليق به .. من القلب و كما أوصانا في رأس الشهر
- ربنا اللي أخرجنا من عبودية أرض مصر و عالنا في البرية
- لكن إحنا في البرية كنا بنتذمر زي ما حصل في مريبة لقا شكينا إن ربنا يقدر يخرج لنا ماء من الصخرة ... و رغم تحذيرات ربنا الكثيرة لنا و خيره الكثير علينا, برضه بنرجع نشكّ و نتذمر تاني
- فربنا سلّمنا لقساوة قلوبنا و بالتالي أعدائنا غلبونا
- لكن وعد ربنا لسة واضح: لو رجعتم بتوبة حقيقية, حياتكم هملاها بالخير تاني

أنا الرب إلهك, الذي أصدك من أرض مصر. أفغر فاك فأملأه

مزامير 81 : 10

وعد مليون رجاء من ربنا .. اطلب مني بس و أكل عليّ و مالکش دعوة .. أنا هادّيك كل الخير 

نتعلم إيه؟

اللي يمسهك في ربنا، ربنا مش ممكن يسيبه أبداً بل هيشبعه بكل الخير و الفرح  
 🙏 يا رب خلّي كل اتكالي عليك و ثقتي و رجائي فيك أنت بس .. أنت اللي تقدر تشبّعني و  
 تملاني بالسلام

## # 10: الله قائم في مجمع الله

مزموور #82

✍ كاتب المزمور:

آساف

### ✉ المواضيع الرئيسية في المزمور:

- ربنا هو القاضي الأعظم .. هو في السماء وسط الملائكة و القديسين يقضي و إحنا المفروض ننفذ
- ربنا غاضب منكم يا قضاة إسرائيل .. لحد امتي تقضوا بالظلم و تيجوا على الغلبان؟ اقضوا بالعدل و ما تظلموش المساكين
- لكن للأسف القضاة ماشيين في الضلمة و مش عايزين يعملوا اللي ربنا بيقلوا عليه رغم إن هو اللي عيّنهم قضاة لتنفيذ أوامره ووصاياه
- كل الشعب أولاد ربنا .. و القضاة الظالمين دول مصيرهم يموتوا زي كل الناس و بعد كده حسابهم صعب عند ربنا
- يا رب قُم أنت و دن الأرض بالعدل

### ✚ اقتباسه في الكتاب المقدس:

آية 6 (أنا قلت: إنكم آلهة) استخدمها ربنا يسوع (يوحنا 10 : 34) عشان الكتبة و الفريسيين كانوا زي القضاة الظالمين دول

أنا قلت: إنكم آلهة وبنو العليّ كلّمكم

مزامير 82 : 6

هنا ربنا اللي بيتكلم .. (آلهة) دي معناها وكلاء عن ربنا عشان يقضوا بوصاياه .. لكن كل الشعب هم (بنو العلي) و مافيش حد يتكبر على حد

## نتعلّم إيه؟

الإنسان اللي في موضع سُلطة و تحته ناس, لازم يحكم بالعدل و حسب وصايا ربنا ورحمته  
 🙏 يا رب خليني أكون راعي صالح في مكان مسئوليتي .. أحكم بالعدل و الستر حسب قلبك

## # 11: اللهم, لا تصمت. لا تسكت

مزموّر #83

✍ كاتب المزمور:

آساف

## ✉ المواضيع الرئيسية في المزمور:

- يا رب أعداء شعبك بيدبروا علينا مؤامرات عشان يبيدوننا .. كل الشعوب اللي حوالينا بقلب واحد زي الموج بيحاولوا يبتلعونا
- يا رب لا تسكت .. بدد مؤامراتهم زي ما عملت زمان مع أعداء شعبك (خصوصاً في فترة القضاة, زي ما نصرت جدعون على المديانيين)
- يا رب خلّي أعدائنا دول يخزوا و ينزلوا من تكبرهم .. يعرفوا إن أنت وحدك الإله الحقيقي و يطلبوا اسمك

املاً وجوهم خزيًا، فيطلبوا اسمك يا رب

آية جميلة جداً فيها روح العهد الجديد .. إحنا مش عايزين الهلاك الأبدي لأي إنسان، بل عايزين الكل يؤمن بربنا و يعرف إنه هو الإله الحقيقي .. فيطلبوه و يخلصوا

## نتعلم إيه؟

مؤامرات كثيرة بيدبرها عدو الخير في كل زمان ومكان ضد ربنا و أولاده .. يحاول يبيد الكنيسة و يبدد أولاد ربنا .. لكن ربنا عمره ما يسمح بكده طول ما أولاده ماسكين فيه

يا رب خلينا دائماً واثقين إن أبواب الجحيم لن تقوى على كنيستك .. و إنك تبدد أعدائها و تجعلهم كلهم كلاً شيء

## # 12: ما أطفى مساكنك يا رب الجنود

مزمور #84

كاتب المزمور: 

بني قورح

### المواضيع الرئيسية في المزمور:

- يا رب ما أطفى بيتك .. باحب أكون فيه جداً، ده بيتي اللي بيرحني و ألقى فيه الراحة و السلام زي العصفور في العش بتاعه .. باحب آجي بيتك و أسبح اسمك القدوس يا رب
- طوبى للناس اللي أنت عزهم و فخرهم .. قلبهم على طريقك و طريق بيتك يا رب .. حتى و هم ماشيين في الوادي الطويل اللي رايح للهيكل (اللي اسمه وادي البكاء) و دموع التوبة تسيل من عيونهم .. و أنت تسمع لهم و تملأ حياتهم بالبركات
- يا رب ده يوم واحد في بيتك أحسن من آلاف .. يا رب ده أنا يكفيني أقف على باب بيتك من إني أسكن في خيام الأشرار .. لأن أنت يا رب زي الشمس اللي بتنور لي طريق و حياتي

## استخدامه في طقس الكنيسة:

صلاة الساعة السادسة - المزموور الـ 83

## ترانيم على المزموور:

- آية 3: ترنيمة زي العصفور ما وجد بيته
- آية 5 و 6: ترنيمة طوبى لأناس

لأن يوماً واحداً في ديارك خير من ألف. اخترت الوقوف على العتبة في بيت إلهي  
على السكن في خيام الأشرار

مزامير 84 : 10

إحساس جميل نحسّه في كل يوم أو ليلة في الكنيسة بنصليّ فيها مع بعض من قلبنا .. ربنا  
يديم علينا الأيام الجميلة دي

## نتعلّم إيه؟

محبة الإنسان لبيت ربنا ماتساويها محبة ثانية .. يحس فعلاً إنه في حضن ربنا .. الكنيسة  
هي الجزيرة التي فيها الأمان والسلام في بحر هذا العالم

يا رب خلي محبة بيتك في قلبي أعلى من أي محبة ثانية

# 13: رضيت يارب على أرضك

مزموور #85

كاتب المزموور:

بني قورح

## المواضيع الرئيسية في المزمور:

- أخيراً يا رب رضيت على أرضك و رجّعت شعبك لها تاني من السبي .. غفرت لنا خطايانا و رفعت غضبك عنّا
- يا رب أنت سخطك لا يدوم, بل تعود و ترحم شعبك اللي رجع و تاب إليك
- أنا عارف يا رب إنك هتستجيب لصلواتنا و تعطينا سلامك
- ربنا جي و رحمته هتلتقي مع عدله .. و أرضنا هترجع تتملي بالخير تاني

## استخدامه في طقس الكنيسة:

صلاة الساعة السادسة - المزمور الـ 84

**إني أسمع ما يتكلم به الله الرب, لأنه يتكلم بالسلام لشعبه و لأتقيائه, فلا يرجع إلى الحماقة**

مزامير 85 : 8

ثقة جميلة جداً بعد الصلاة أن ربنا استجاب .. الناس اللي فاهمة ربنا عارفة إنه إله رحيم و عايز الخير لكل اللي بيتقونه .. المهم إننا نتوب بجد ولا نعود للخطية من تاني

## نتعلّم إيه؟

إحساس جميل جداً و مريح جداً اللي في المزمور ده: لَمَّا الواحد يحسّ إن ربنا راضي عنه  يا رب خليني أختبر هذا الإحساس الجميل دايماً في حياتي بالتوبة .. هي دي باب رضاك و رحمتك

# 14: أمل يا رب أذنك. استجب لي

مزموور #86

**كاتب المزمور:** 

داود النبي

**المواضيع الرئيسية في المزمور:** 

- يا رب أنا أرفع نفسي و يديّ إليك طول اليوم طالب رحمتك و غفرانك
- واثق يا رب في قدرتك و رحمتك .. أسبح اسمك من كل قلبي
- يا رب أعدائي الأشرار طلبوا نفسي ليهلكوها .. أعني يا رب و خلّصني

**استخدامه في طقس الكنيسة:** 

صلاة الساعة السادسة - المزمور الـ 85

**ارحمني يا رب, لأنني إليك أصرخ اليوم كله. فرّج نفس عبدك, لأنني إليك يا رب أرفع نفسي**

مزامير 86 : 3 و 4

شرط مهم جداً للصلاة: اللجاجة .. داود يصرخ من قلبه لربنا طول اليوم .. أكيد ربنا هيستجيب و يعزّيه و يفرحه 

**نتعلّم إيه؟**

المزمور ده صلاة خالصة و همس من داود يطلب فيه رحمة ربنا من قلبه

يا رب خليني أصلي لك و أكلمك ببساطة كده من قلب نقي **# 15: أساسه في الجبال المقدسة**

مزمو #87

## كاتب المزمور:

بني قورح

### المواضيع الرئيسية في المزمور:

- ربنا أحب أورشليم و اختار جبلها يكون مسكن له و هيكله .. فضّلاها على كل مدن إسرائيل
- يا رب عزّف مصر و بابل و كل الشعوب و أورشليم نفسها بالخبر العظيم ده: إنك هتتولد في أورشليم .. وتسبحك كل الأرض

### استخدامه في طقس الكنيسة:

- صلاة الساعة السادسة - المزمور الـ 86
- لحن نيف سينتي
- لحن أطاي بارثينوس

## الرب أحب أبواب صهيون أكثر من جميع مساكن يعقوب

مزامير 87 : 2

آية جميلة عن الكنيسة .. و عن أمننا العذرا صهيون النقية اللي سكنها الله 

## نتعلّم إيه؟

الكنيسة بيت الله غير أي مكان تاني على الأرض .. فيها حلول لربنا و ملائكته و قدسيه

يا رب خليني دايماً حاسس بعظمة هذا المكان اللي فيه جسدك و دمك و أسرار و 

معجزات

# 16: يارب إله خلاصي، بالنهار والليل صرختُ أمامك

مزموّر #88

## ✍ كاتب المزمور:

هيمان الأزرّاحي (و لحنه بني قورح)

## ✉ المواضيع الرئيسية في المزمور:

- يا رب أنا أصرخ إليك نهاراً و ليلاً .. إسمع صلاتي يا رب لأنني شبعت من المصائب, و بقيت زي الميت اللي في القبر
- عليّ يا رب استقر كل غضبك .. و حتى معارفي بعدوا عني .. مش قادر أخرج من الوضع الصعب ده
- يا رب هل تصنع المعجزات للموتى اللي زيي؟ هل يا رب لسة ممكن تحييني و تنير عليّ؟
- يا رب اسمع صلاتي .. أنا مسكين و باسّم أموري لك من صغري .. تحملت أهوال كثير بسبب إني متمسك بك

## 🕌 استخدامه في طقس الكنيسة:

آية 4 (حُسيبُ مثل المنحدرين إلى الجُب. صرْتُ كرْجُل لا قوة له) موجودة في مزموور باكر سبت الفرّح

## حُسيبُ مثل المنحدرين إلى الجُب. صرْتُ كرْجُل لا قوة له

مزامير 88 : 4

نبوة عن ربنا يسوع في القبر .. ربنا يسوع احتمل كل آلام المزمور ده و مات فعلاً .. لكنه قام من الأموات و أعطانا قوة القيامة

## نتعلّم إيه؟

المزمور ده فيه ألم من أوله لآخره (عكس باقي المزامير اللي ممكن أولها يبقى ألم لكن لازم تنتهي ببراءة) .. فيه تجارب شديدة ممكن تستمر كثير

🙏 يا رب تجارب كثير صعبة أنا أستحقها و في نفس الوقت هي لازمة لخلاصي .. خليني يا رب أتواضع في الضيقات و أكون حكيم عشان أستفيد بها

## # 17: بمراحم الرب أغني

مزمو 89#

### ✍ كاتب المزمور:

إيثان الأزرابي (واحد من الـ 3 مرنمين الكبار في عهد داود الملك مع آساف و هييمان)

### ✉ المواضيع الرئيسية في المزمور:

- أنا أسبّح بمراحم ربنا للأبد .. ما فيش زيّك يا رب، إله قادر مهوب .. أكرمت أولادك و هزمت أعدائك
- و ميّزت داود يا رب .. وعدته إن من نسله يبجي ملك يملك إلى الأبد
- لكن يا رب أبناء داود بعدوا عن وصاياك .. و أنت رفضتهم .. الأعداء انتصروا عليهم
- يا رب لحد امتي تغضب علينا؟ فين مراحمك الأولى يا رب؟

### 🏰 استخدامه في طقس الكنيسة:

آية 19 و 20 (جعلت عوناً على قويّ، رفعت مختاراً من بين الشعب. وجدث داود عبدي. بدهن قدسي مسحته) تستخدم في مزامير القداس

### 🎵 ترانيم على المزمور:

بمراحم الرب أغني

بمراحم الرب أغني إلى الدهر. لدور فدور أخبر عن حقك بقمي.

مزامير 89 : 1

ما أجمل إن الواحد على طول يفتكر رحمة ربنا و يسبّحه

نتعلم إيه؟

المزمور ده ببدا بالتسبيح و ينتهي بالألم (عكس باقي المزامير اللي ممكن أولها يبقى ألم لكن لازم تنتهي ببراء)

يا رب خليني واثق إنه إلى الأبد رحمتك .. سواء في وقت الخير أو الشدة, دائماً متكل و واثق في رحمتك



المراجع

- TheBibleProject
- تبسيط سفر المزامير (أبونا لوقا ماهر)